

**Mbete kí dɔsɔy kí Pol ndàngí adi
 Tesaloniki-je
 Ta-je kí dɔ mbete-ti kí dɔsɔy
 kí Pol ndàngí adi
 Tesaloniki-je**

Pol ndàngí mbete kin kɔ kɔ kulə-né dingəm mee njékadmee-je-ti kí Tesaloniki rəm, kɔ mbusi-né nja-dé rəm. Bebo Tesaloniki lé to bebo kí dɔnangi Maseduwan-ti, kɔ be-ti lə dow-je kí Ròm, kəl lo kí taá-ti lə grɛki-je. Mee Mbete kullə-ti lə njékɔwkulə-je kí 17:1-10 lé, 'ndàngi-ti kí Pol-je kí madkullə-je liə d'ilə mbɛ Poyta kí Maji bebo Tesaloniki-ti, 'ndàngi-ti kí jipi-je, kɔ jipi al-je d'adi mee-dé Jeju Kristi rəm. Go-ti, jipi-je kí d'adi mee-dé Jeju al d'osi ta Pol kɔ kullə liə kí ɛ ra kinlé, adi dɛ kɔ madkullə-je liə 'tɛɛ mee bebo-ti ndɔɔ d'ay-nɔ. Ə go-ti, loki 'ree 'tɛɛ bebo Kɔrɛnti-ti rəm, mee Pol ɔ kəkəkə kɔ njékadi mee-dé sigi kí bebo Tesaloniki-ti, adi ulə Timote rɔ-dé-ti. Loki Timote təl ɔw rɔ Pol-ti gogi lé, idə Pol kí Tesaloniki-je lé, dan kulə-ti kí d'ulə kəm-dé ndoo kin ya kàrè, dɛ d'ɔ gərərə dɔ kadmee-ti lə-dé rəm, bá mee ndigi dow-je-ti rəm. Mee Pol usi nangi adi ɛ ndàngi mbete kin adi-dé ra-dé-né oiyo rəm, toji-dé-né ndigi kí ɛ ndigi-dé rəm, bá kɔ ndó-dé-né né ki dɔ madi-é-ti rəm.

Ki lo kɔr-é-ti kí 1-3 lé, Pol gir dɔ kisi-dé-ti kí ndɔki dɛ kɔ Tesaloniki-je d'isi nati kin rəm, ɛ

ra-dé oiyo. Kì lo kòr-é-ti kí 4-5 lé, Pol ndó-dé né kí sòbì dɔ təl ree lə 'Babe rəm, bá ndó-dé panjiyè kí d'a nəl-né 'Babe rəm.

Tɔjì rɔ k̀ lapiya kí ra

¹ †Ma Pol, j'isi nati k̀ Silbɛ-je* k̀ Timote bá m'ndàngi mbete kin m'adi-si sɛi njékəwnɔ-je kí bebo Tesaloniki-ti kí 'nami kàd̀ Bòbì-ji Lubə-ti rəm, 'nami kàd̀ 'Babe Jeju Kristi-ti rəm. Kadi ramaji k̀ lapiya ǹy sə-si.

Panjiyè njékəwnɔ-je kí Tesaloniki-ti k̀ kadmɛɛ lə-dé

Plp 1:3-6; Kol 1:3-8

² Jɛ j'ra oiyo Lubə k̀ ndɔ-je lay kɔ ta lə-si lay rəm, bá mɛɛ ta-je-ti kí j'isi j'pa siə kàrè j'ilə ri-si dan-ti-dan-ti rəm tɔ.

³ Kullə kadmɛɛ lə-si, k̀ kullə ndigi kí 'ndigi dow-je, k̀ kində kí indəi mɛɛ-si dɔ 'Babe-ti lə-ji Jeju Kristi ya ɔi dɔ-ti njàngi kinlé, mɛɛ-ji ole dɔ-ti ǹ Bòbì-ji Lubə-ti taá-taá.

⁴ Sɛi ngankɔ-m-je kí njékadmɛɛ lé, 'toi dow-je kí Lubə ində-si dan kəm-é-ti; jɛ j'gə kí ɛ mbəti-si.

⁵ Kɔ Poyta kí Maji kí j'ilə mbɛ-é j'adi-si lé, j'ilə k̀ ta kí ta-ji-ti par al, ngà j'ilə k̀ tógi rəm, Ndil kí aa njay ra sə-ji dɔ-ti rəm, bá jɛ j'ilə k̀ mɛɛnda kɔy rəm tɔ. Panjiyè-ji kí dan-si-ti kí ndɔk̀i ooi kinlé, sɛi ya kàrè 'gəi kí to bè kɔ maji lə-si.

† **1:1 1:1** Knj 17:1 * **1:1 1:1** Silbɛ lé ya to Silasi (Knj 15:22; 2Kò 1:19; 2Te 1:1)

⁶ †Səi lé, səi 'ndaji kullə ra-ji rəm, 'ndaji kullə ra 'Babe rəm, kdotalə dan kò-je-ti kí n̄a ya kàrè Ndil kí aa njay adi-si 'taai ta lə Lubə k̄i r̄onəl.

⁷ Beba səi 'təli-né néndaji lə njékadm̄e-je lay kí d̄onangi Maseduwan-ti k̄i d̄onangi Akay-ti.

⁸ Kdotalə ta lə 'Babe kí ra kullə dan-si-ti lé, poy-é ɔw d̄onangi Maseduwan-ti k̄i d̄onangi Akay-ti; ngà to ɛ kin par al, m̄e-je-si kí adi Lubə lé kàrè dow-je d'oo poy-é kí lo lay sar adi j̄e j'ɔw ndoo pa ta-é al rəm ngá.

⁹ Kdotalə dow-je d'or poy kuwə kí uwəi-ji k̄i r̄o-si-ti rəm, d'or poy kiñə kí iñəi magi-je k̄ogi ə 'təli k̄i r̄o Lubə-ti k̄d̄o kadi 'rai kullə adi Lubə kí togr̄o-ti kí to njékiskəm rəm,

¹⁰ k̄d̄o kadi 'ngəbi Ngon-é kí nd̄oki adi-é t̄osi ndəl ində lo t̄e, kí à k̄i d̄ora-ti k̄d̄o ree, adi to Jeju kí taa-ji ta w̄ongi-ti kí à ree lé.

2

*Panjiyə Pol dan njékəwn̄a-je-ti kí Tesaloniki-ti
Knj 20:18-21,31-35; 2Kɔ 6:3-10; 12:12-15*

¹ Ngankɔ-m-je kí njékadm̄e, səi ya kàrè 'gəi kí k̄ow-ji r̄o-si-ti lé, t̄o k̄ogi kare al.

² †Titi kí səi 'gəi-né lé, d'adi-ji k̄ò kete m̄e bebo Pilipi-ti bá 'taji-ji rəm; ya ngà j̄e j'ingə t̄ogi r̄o Lubə-ti lə-ji bá j'ilə-né m̄be Poyta kí Maji liə j'adi-si dan r̄o-je-ti kí n̄a kin.

³ Kdotalə ta lə Lubə kí j̄e j'isi j'ndó dow-je lé, to néndó kí takədi t̄o-ti al rəm, j'ndó k̄i tagir kí t̄o n̄e al rəm, bá j'ədi-né dow al rəm t̄o.

⁴ Ngà Lubə n̄a-ji oo bá ulə kullə kilə mbə Poyta kí Maji ji-ji-ti, adi je j'pa ta kɔ nəl-né dow-je al, ngà j'pa ta kɔ nəl-né Lubə kí njègə m̄e-ji.

⁵ Titi kí s̄ei ḡei-né lé, je j'pa ta j'ədi-né kəm dow nja káre al rəm, bá nja káre ya kàrè j'pa ta kɔ kingə-né né ji dow-ti al rəm; Lubə gə m̄e-ji b̄eti.

⁶ Je j'sangi r̄iba rɔ dow-je-ti al rəm, j'sangi r̄iba rɔ-si-ti al rəm, bá rɔ dow-je-ti kí rangi al rəm tɔ. Lé j'a ra-si kí lə njètógi-ti, kɔ to kí j'to njékowkulə-je lə Kristi,

⁷ ya ngà je j'sol ləm-ləm dan-si-ti. Titi kí kɔ ngan-je t̄osi-né kəm-é dɔ ngan-é-je-ti lé,

⁸ je kàrè ndigi kí j'ndigi-si n̄a kinlé, j'ndigi kadi Poyta kí Maji lə Lubə ya par bá j'ilə mbə-é j'adi-si al, ngà j'ndigi kadi daji rɔ-ji ya kàrè j'ilə kogi kɔ ta lə-si, kɔ s̄ei 'təli dow-je kí j'ində-si dan kəm-ji-ti.

⁹ Ngankɔ-m-je kí njékadm̄e, kullə-je kí j'ra, k̄i k̄ɔ-je kí j'ingə lé, adi m̄e-si ole dɔ-ti. Loki j'isi j'ilə mbə Poyta kí Maji lə Lubə j'adi-si lé, j'ra kullə ndɔ-je k̄i kada-je kɔ kadi j'oy dow dan-si-ti al.

¹⁰ S̄ei njékadm̄e-je, panjiyə-ji kí dan-si-ti lé, aa njay rəm, to njururu rəm, ta kí dow à kilə dɔ-ji-ti goto rəm adi s̄ei ooi b̄eti rəm, bá Lubə kàrè oo b̄eti rəm tɔ.

¹¹ Né kí j'ra k̄i n̄a-n̄a dan-si-ti titi kí Bobi ngan-je ra-né k̄i ngan-é b̄e kin kàrè, s̄ei 'gəi rəm.

¹² Je j'ulə dingəm m̄e-si-ti, j'sol m̄e-si, bá j'ndəji-si kadi adi panjiyə-si tuwə panjiyə dow-je kí Lubə ba-dé kɔ kɔbe liə rəm, kɔ r̄iba liə rəm tɔ.

13 Loki je j'ilə ta lə Lubə mbi-si-ti lé, səi 'ndigi dɔ-ti titi ta lə dow al, ngà 'ndigi dɔ-ti kí tɔgrɔ-ti ya to ta lə Lubə kí isi ra kullə mɛɛ-si səi-ti kí adi mɛɛ-si. Né kin bá je j'ra-né oiyo Lubə taá-taá kɔɔ.

14 †Kɔɔtalə səi ngankɔ-m-je kí njékadmɛɛ lé, səi 'ndaji kullə ra njékəwnɔ-je kí gay-gay kí 'to njékəwnɔ-je lə Lubə kí 'to njénam kàdì Jeju Kristi-ti kí d'isi dɔnangi Jude-ti, kɔɔtalə səi ya kàrè ingəi kò ji dow-je-ti kí bee lə-si ya, titi kí dɛ kàrè d'ingə-né gɔ kò-je kí káre kin ji jipi-je-ti tɔ.

15 †Jipi-je lé, dɛ ya 'tɔl njépata-je kí ta Lubə-ti rəm, 'tɔl 'Babe Jeju rəm, bá d'ulə kəm-ji ndoo rəm tɔ. Dɛ 'nəl Lubə al rəm, bá 'to njéba-je lə dow-je lay rəm tɔ.

16 Dɛ d'ɔgi-ji kilə mbɛ Poyta kí Maji kadi dow-je kí 'to jipi-je al, kɔɔ kadi d'aji al; beba dɛ jipi-je lé 'ra-né majal kí dɔ-ti par-par adi wɔngi ra Lubə dɔ-dé-ti.

Pol ndigi təl kɔw koo njékəwnɔ-je kí Tesaloniki-ti

Knj 17:14-16

17 Ngá je rəmə, səi ngankɔ-ji-je kí njékadmɛɛ, dɔkaglo kí sɛ kí j'ɪŋəi-né-nɔ lé, kəm-ji oo-si al, ngà mɛɛ-ji rəmə tò dɔ-si-ti géréré. Beba bo kadi j'təl j'ɔw j'oo-si ra-ji nɔ adi j'ndur dɔ rɔ-ji-ti nɔ kadi j'ɔw j'oo-si.

18 Gin-é kin bá j'ndigi kɔw njal rɔ-si-ti. Mɔ Pol ya m'nɔ asi nja joo bè kadi m'ɔw rɔ-si-ti ya, ngà Satɔ ɔgi-ji lo-é.

† 2:14 2:14 Knj 17:5 † 2:15 2:15 Knj 9:23,29; 13:45,50; 14:2,5,19; 17:5,13; 18:12

19 Ndo kí 'Babe læ-ji Jeju à tøl ree lé, ná kí rangi fá à to nékində meɛ do-ti læ-ji, kì rɔnəl læ-ji, kì jɔgi rifa læ-ji takəm-é-ti bəy wa?

20 Oiyò! Səi ya a toi rifa læ-ji, kì rɔnəl læ-ji.

3

D'ulə Timote Tesaloniki-ti

1 †Né kin fá jɛ j'oo-né lo ngəbi al, adi j'panè tò maji kadi j'isi kì kár-ji meɛ bebo Ateŋ-ti nè.

2 Beba j'ulə ngonkɔ-ji Timote kí to ngonnjəkullə læ Lubə meɛ kullə kilə mbɛ Poyta kí Maji-ti læ Kristi kadi ɔw ulə dingəm meɛ-si-ti ə mbusi-né nja-si meɛ kadmeɛ-ti læ-si.

3 Kdo kadi kɔ-je kí isi ingəi kinlé ra dow káre dan-si-ti adi səbi ngin-ngin al; kdɔtalə səi ya kàrè 'gəi bəti kí jəi lé j'isi kdo kadi kɔ-je kí bè kin ree do-ji-ti ya.

4 Loki ndɔki j'isi sə-si nati bəy ya j'idə-si kete j'panè j'a kingəi kɔ nɔ lé, səi 'gəi bəti né-é fá ree ngá tin.

5 Gin-é kin fá mə m'oo lo ngəbi al, adi m'ulə-né Timote kadi ɔw oo ta kí səbi do kadmeɛ læ-si, kdɔtalə m'bəl kí njənɔ dow-je à kɔ nɔ-si sar kadi kullə kí j'ra dan-si-ti tøl tò kɔgi kare.

6 †Ngà Timote kí j rɔ-si-ti ree rɔ-ji-ti ngɔsnè bəy lé, idə-ji poyta kí maji do kadmeɛ-ti læ-si, kì do ndigi-ti kí 'ndigi dow-je, fá idə-ji panè meɛ-si oy do-ji-ti al adi bo koo-ji ra-si titi kí jɛ kàrè bo koo-si ra-ji-né kin bè tɔ.

⁷ Səi ngankɔ-m-je kí njékadmɛɛ, né kin bá dan nékəmtondoo-je-ti kí lay kí tɛɛ dɔ-ji-ti, kɪ dan kɔ-je-ti ya kàrè kadmɛɛ lə-si ra adi mɛɛ-ji sɔl.

⁸ Bone bè kinlé, mɛɛ-ji usi nangi, kdotalə kɔ kí ɔi njáŋgi mɛɛ kində rɔ nati kɪ 'Babe.

⁹ Ra kí 'rai-ji adi rɔ-ji nəl-ji nɔ nɔ Lubə-ti kinlé, j'a ra-é oiyo kdɔ ta lə-si ban bá à kusi rɔ-ji-ti ɔn wa?

¹⁰ Beba, ndɔɔ-je kɪ kada-je lay ya j'pa ta kɪ Lubə j'to ta-é-ti pəkə-pəkə, kdɔ kadi adi-ji tarəbi kadi j'ow j'oo-si rəm, kdɔ kadi j'tɔl ta né kí nal-si mɛɛ kadmɛɛ-ti lə-si.

¹¹ Kadi Lubə ya kɪ dɔ-é kí to Bɔbi-ji dɛ kɪ 'Babe lə-ji Jeju d'adi-ji tarəbi kadi j'ow rɔ-si-ti.

¹² Ndignɔ kí tɔ dan-si-ti, kɪ ndigi kí 'ndigi dow-je kí rangi kinlé, kadi 'Babe ra adi usi dɔ madi-é-ti par-par rəm, kadi al dɔ kí kete, titi kí je j'ndigi-si-né kin bè tɔ.

¹³ Beba 'Babe ya à kadi-si kuwə mɛɛ nɔ kdɔ kadi 'toi dow-je kí aai njay kí ta goto dɔ-si-ti nɔ Bɔbi-ji Lubə-ti ndɔ-é kí 'Babe lə-ji Jeju Kristi à ree nati kɪ njékadmɛɛ-je liə lay.

4

Panjiyə kí nəl Lubə

1Pi 1:14-16; 4:1-5; Epe 5:3-8; 1Ko 6:13-20

¹ Beba səi ngankɔ-m-je kí njékadmɛɛ, né kí a rai bá a nəl-né Lubə lé, səi 'ndói rɔ-ji-ti ngá, ə né-é-je lé ya səi isi 'rai rəm ngá tin. Ngà je j'dəji-si ə j'ulə dingəm mɛɛ-si-ti kɪ ri 'Babe Jeju kdɔ kadi panjiyə-si kinlé, owi-né kəm-si kɪ kete-kete.

² Kdotalə ndu kí j'ingə rɔ 'Babe Jeju-ti bá j'adi-si lé, səi 'gəi bəti.

³ Né kí Lubə ndigi éñ: Kadi isi tagay kɔɔ Lubə ə kadi 'rai kaya al.

⁴ Kadi ná-ná dan-si-ti ngəm rɔ-é kadi aa njay rəm, kadi un rɔ-é ra-né né kí tɔgrɔ-ti,

⁵ bi adi bo né-je kí maji al ra-si loy-loy titi kí njékadmɛɛ al-je kí 'to njégə Lubə al d'isi 'ra-né kin bè al;

⁶ kadi dow káre dan-si-ti ndɔn njékadmɛɛ madi-é ra siə majal kí titi-ná bè kin al, kɔɔ dow-je kí njéra né-je kí bè kinlé, Lubə à gangta dɔ-dé-ti. Ndɔki j'idə-si j'ndəji-si-né kete ngá.

⁷ Kdotalə Lubə kí ba-ji lé, ba-ji kɔɔ kadi j'rai né-je kí tɔ nɛ-nɛ al, ngà ba-ji kɔɔ kadi j'təli dow-je kí j'toi tagay.

⁸ Dow kí mbati néndó kin rəmə, to dow bá ɛ mbati-é al, ngà to Lubə kí njékadi-si Ndil-é kí aa njay kin bá dowbé mbati-é tin.

⁹ Ta kí sobi dɔ ndigná kí kadi tɔ dan-si-ti səi njékadmɛɛ-je lé, səi ɔwi ndoo kadi dow ndàngi ta-é adi-si al ngá, kɔɔ Lubə ya ndó-si kadi 'ndigi-ná.

¹⁰ Ndigná lé, bá səi 'toji ki rɔ njékadmɛɛ-je-ti lay kí dɔnangi Maseduwan-ti bikti tin; ya ngà, səi njékadmɛɛ-je, j'dəji-si kadi ndigná kinlé, ɔwi-né kəm-si ki kete-kete ya bəy.

¹¹ Titi kí j'un-né ndu j'adi-si lé, adi ta kisi-ná kɔ lapiya bá to rɔ-si rəm, kadi ori kəm-si dɔ kullə-je-ti lə-si kí sobi dɔ-si ə 'rai kullə kɔ ji-si kɔɔ rɔ-si;

¹² bè kɔɔ kadi panjiyə-si maji takəm njékadmɛɛ al-je-ti rəm, bá kadi ɔyi dow al rəm tɔ.

Ta kí dɔ koy njèkadmeɛ-ti k̀ təl Jeju

1Kɔ 15:19-58

¹³ Sɛi ngankɔ-m-je kí njèkadmeɛ, ta kí sɔbi dɔ dow-je kí d'oy lé, j'ndigi kadi isi-né dɔ mbó-ti al, nè a rai wɔngi yo tanɔ k̀ dow-je kí rangi kí nékində meɛ dɔ-ti lə-dé goto kin bè.

¹⁴ Kdɔtalə titi kí j'adi-né meɛ-ji kí Jeju oy ə tosi ndəl ində lo tɛɛ lé, bè ya tɔ j'adi meɛ-ji kí dow-je kí d'adi meɛ-dé Jeju bá d'oy lé, Lubə à kadi 'tosi ndəl d'ində lo 'tɛɛ d'isi nati k̀ Jeju tɔ.

¹⁵ †Ooi, ta kí 'Babe pa bá j'ɔw kidə-si rəsi tin: Nɔo kí 'Babe à təl lé, jəi kí j'isi kəm bá j'a kowi kete nɔ dɛ kí d'oy-ti lé al.

¹⁶ Kdɔtalə loki ká né à ɓa rəm, ndi burə dɔ malayka-je à ɓa rəm, bá tɔbi mbanga lə Lubə à ɓa rəm lé, 'Babe ya k̀ dɔ-é à k̀ dɔrɔ-ti kɔo ree rəmə dɛ kí d'adi meɛ-dé Kristi bá d'oy lé, dɛ bá d'a tosi ndəl kində lo tɛɛ dɔsɔy. ¹⁷ Go-ti ngá bá jəi kí j'isi kəm kí j'a nàyi lé, Lubə à koy-ji lay kadi káre nati sə-dé dan kilndi-ti kɔo kadi j'ingəi 'Babe dan yəl-ti, beɓa j'a kisi k̀ 'Babe nati ya sartangani.

¹⁸ Ə 'soli meɛ-nɔ k̀ ta-je kinlé.

5

Kində kəmkaa dɔ rɔ-ti ngəbi-né təl Jeju

Mat 24:36-51; Luk 12:35-40; Rɔm 13:11-14

¹ Sɛi ngankɔ-m-je kí njèkadmeɛ, ta kí sɔbi dɔ dɔkàd̀i əse dɔkaglo kí né-je kin à ra-né né lé, sɛi ɔwi ndoo kadi dow ndàngi adi-si al ngá.

† 4:15 4:15 1Kɔ 15:51,52

² †Kdɔtalə, səi ya kàrè 'gəi maji yéréré kí ndo lə 'Babe lé, à kubə dow-je nangi busi titi kì njèbogi ubi-né dow-je nangi ndoo busi kin bè.

³ Loki dow-je d'a panè: «Lapiya tò ngá! Né à ra-ji al!» Ngá bá tuji à kubə-dé nangi busi titi ndo kí tɛɛ kì njèsəm pati kin bè ə d'a tɛɛ kəm-ti al.

⁴ Ngà səi ngankɔ-m-je kí njékadmɛɛ, səi isi londul-ti bá ndo lə 'Babe à kubə-si nangi busi titi njèbogi bè al.

⁵ Səi lay ya 'toi ngan-je lə lo kí ndógi rəm, 'toi ngan-je lə lo kí kada rəm. Jəi j'toi ngan-je lə londul al rəm, j'toi ngan-je lə lo kí ndoo al rəm.

⁶ Ən é adi j'toi bi tanɔ kì ndəgi dow-je al, ngà adi j'isi kəm do ro-ji-ti rəm, j'indəi kəmkaa do ro-ji-ti rəm to.

⁷ Kdɔtalə njétobi-je lé, ndoo bá 'to bi ə njéyibi ra-je kàrè, ndoo bá yibi ra-dé.

⁸ †Ngà jəi kí j'toi dow-je lə lo kí kada lé, tò kadi j'indəi kəmkaa do ro-ji-ti, kdo kadi j'adi kadmɛɛ kì ndigi dow-je tò mɛɛ-ji-ti titi ngowla kɔn kàdi asgar-je bè ə j'adi mɛɛ kí kində do kaji-ti tò titi jɔgi kɔn do asgar-je bè.

⁹ Kdɔtalə Lubə mbəti-ji kdo kadi wəngi liə ree do-ji-ti al, ngà mbəti-ji kdo kadi j'aji kì takul 'Babe lə-ji Jəju Kristi.

¹⁰ Kristi lé oy kdo ta lə-ji, kdo kadi lé, j'isi kəm əse j'oyi kàrè, kadi j'isi kəm nati siə.

¹¹ Gin-é kin bá, kadi uləi dingəm mɛɛ-nɔ-ti 'rai kì nɔ kadi ɔwi kì kete-kete mɛɛ kadmɛɛ-ti titi kí rai-né kete-kete kin bè.

*Sɔy ndəji-je kɪ tɔrɛndi-je**Rɔm 12:17-20*

¹² Sɔi ngankɔ-m-je kɪ njɛkadmɛɛ, j'dəji-si kadi uni ta dow-je kɪ d'isi 'ra kullə dan-si-ti rəm, d'isi d'ɔr nɔ-si rəm, b́a d'isi ndəji-si dɔ né-je-ti kɪ ri 'Babe rəm tɔ.

¹³ Dɛ lé, kadi 'ndigi ta lə-dé nɔ ə kadi indəi-dé dan kəm-si-ti, kɔ kullə lə-dé. Isi-nɔ kɪ lapiya.

¹⁴ Sɔi ngankɔ-m-je kɪ njɛkadmɛɛ, j'dəji-si bɔy kadi 'ndangi dow-je kɪ panjiyə-dé to jugi-jugi ə 'soli mɛɛ dow-je kɪ mɛɛ-dé gangi man, isi dɔ-ti kɪ dow-je kɪ tɔgi-dé asi al, ə iləi mɛɛ-si dɔ madi-é-ti pɔ kɪ dow-je lay.

¹⁵ Dow ra sə-si né kɪ maji al kàrè ooi nè a 'rai siə né kɪ maji al tó-ti; ngà 'sangi kadi 'rai maji ya kɪ ndɔ-je lay dan-si-ti əsɛ kɪ dow-je lay.

¹⁶ Adɪ rɔ-si nəl-si kɪ ndɔ-je lay.

¹⁷ Inəi ta pa ta kɪ Lubə al.

¹⁸ Mɛɛ né-je-ti lay ya 'rai oiyo Lubə. Né-je kin b́a Lubə ndigi kadi sɔi kɪ 'nami kàdɪ Jeju Kristi-ti 'rai.

¹⁹ ɔgi Ndil kɪ aa njay lo ra kullə al.

²⁰ 'Nədi ta-je lə njɛpata-je kɪ ta Lubə-ti al.

²¹ Ngà 'ndəri gin né-je lay ə uni kɪ maji dan-ti.

²² Né-je kɪ maji al lay ya itəi rɔ-si ngərəngi kàdɪ-ti.

²³ Kadi Lubə kɪ njɛkadi lapiya ya adɪ 'təli dow-je kɪ aai njay bɪkti lay ə kadi ɛ ya ngəm daji rɔ-si bɪkti, adɪ to tagir lə-si, kɪ ndil-si, kɪ daji rɔ-si kɔ kadi ta goto dɔ-si-ti ndɔ ree-ti lə 'Babe lə-ji Jeju Kristi.

²⁴ Lubə kɪ njɛba-si ya à ra né-je kinlé, kɔ ɛ to njɛkɔ dɔ ndi-é-ti.

²⁵ Səi ngankɔ-m-je kí njékadmee, 'pai ta kì Lubə kdo ta lə-ji.

²⁶ Səi ngankɔ-m-je kí njékadmee 'rai-nə lapiya kuwə-nə kàdì-nə-ti kì mee kí aa njay.

²⁷ M'dəji-si kì ri 'Babe kadi mbete kinlé toki ndó kadi njékadmee-je lay ya.

²⁸ Kadi ramaji lə 'Babe lə-ji Jeju Kristi nà y sə-si.

Mango
Mango: Ta lə Lubə Kunmindi kɨ Sigi (New
Testament)

copyright © 2018 Wycliffe Bible Translators, Inc.

Language: Mango

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

96bdbd07-24d6-556c-9e7c-7269c72880cd